

Bengkel

Hala Tuju Persatuan Alumni UniMAP

Oleh: Mohd Hafizi Zalmi



Persatuan Alumni Universiti Malaysia Perlis (UniMAP) dengan kerjasama Jabatan Hal Ehwal Pelajar & Alumni (JHEPA) UniMAP telah menganjurkan Bengkel Hala Tuju Persatuan Alumni UniMAP dari 17 hingga 19 April 2009 lalu. Bengkel yang bertemakan "Kecemerlangan Alumni Seiring Kegemilangan UniMAP" ini diadakan di Pusat Latihan Teknologi Tinggi (ADTEC) Kulim dan Kulim Golf & Country Resort, Kulim, Kedah Darul Aman.

Di antara pengisian bengkel ini adalah membincangkan prosedur penubuhan dan pendaftaran Persatuan Alumni UniMAP sebagai mematuhi undang-undang sedia ada merujuk contoh undang-undang perlembagaan yang digariskan oleh Pendaftar Pertubuhan Malaysia (Registrar Of Society atau ROS) serta aktiviti alumni bagi jangka panjang. Ahli-ahli Jawatankuasa (AJK) persatuan yang hadir ke bengkel ini bertungkus lumus membentuk perlembagaan mengikut kesesuaian Persatuan Alumni UniMAP dalam masa yang sama selari dengan garis panduan ROS.

Seterusnya, Majlis Makan Malam Bersama Alumni turut diadakan sempena bengkel itu. Majlis ini yang diserikan serta dirasmikan oleh En. Razli Ahmad, Dekan Hal Ehwal Pelajar & Alumni UniMAP. Turut sama hadir adalah En. Mohamad Shabudin Mohd. Noor, Penolong Pendaftar Kanan dan beberapa lagi staf JHEPA. Majlis ini telah berjaya mengumpulkan seramai 52 orang alumni UniMAP di sekitar Kulim dan lain-lain negeri Zon Utara. Alumni UniMAP berazam akan bersama-sama untuk mempertingkatkan komitmen tidak berbelah bagi memartabatkan lagi imej UniMAP.